

Ministarstvo sigurnosti Bosne i Hercegovine, Republička uprava civilne zaštite Republike Srpske, Federalna uprava civilne zaštite Federacije Bosne i Hercegovine i Odjeljenje za javnu sigurnost Vlade Brčko distrikta Bosne i Hercegovine (u daljnjem tekstu: potpisnici Protokola) u cilju dostavljanja i razmjene podataka iz oblasti zaštite i spašavanja zaključili su

PROTOKOL O DOSTAVLJANJU I RAZMJENI PODATAKA U ELEKTRONSKOM OBLIKU U OBLASTI ZAŠTITE I SPAŠAVANJA

Član 1. (Svrha Protokola)

Protokol o dostavljanju i razmjeni podataka u elektronskom obliku u oblasti zaštite i spašavanja (u daljnjem tekstu: Protokol), koji vode i ažuriraju vlasnici podataka, odnosno potpisnici, zaključuje se radi osiguranja efikasne saradnje u oblasti zaštite i spašavanja u Bosni i Hercegovini i u svrhu ispunjavanja međunarodnih obaveza koje se odnose na izvještavanje.

Član 2. (Definicije)

U smislu ovog protokola pojmovi imaju sljedeće značenje:

- a) informacije – službene evidencije pod pojmom informacije podrazumijevaju strukturirane setove podataka, tabele, registre i dr. koji su predmet Protokola, definisane članom 4. Protokola;
- b) dostavljanje i razmjena podataka – pod tim pojmom podrazumijeva se proces prilikom kojeg se podaci prikupljeni u evidenciji izvornih institucija elektronskim putem dostavljaju potpisnicima Protokola u skladu s članom 5. ovog protokola.

Član 3. (Obaveze potpisnika Protokola)

- (1) Potpisnici Protokola se obavezuju da kontinuirano vode, dostavljaju i razmjenjuju podatke i informacije koje su utvrđene članom 4. ovog protokola.

Član 4. (Evidencije i podaci)

Dostavljanje i razmjena podataka, u smislu ovog protokola, odnose se na sljedeće informacije i podatke:

- a) evidencije DesInventar Sendai baze podataka o štetama i gubicima od nesreća i katastrofa koje vode jedinice lokalne samouprave;
- b) razmjenu podataka iz oblasti zaštite i spašavanja s drugim državama i međunarodnim organizacijama;

- c) podatke potrebne za nesmetanu realizaciju zajedničkih projektnih aktivnosti (npr. IPA projekti, UN projekti) i ostalih projekata regionalnog i međunarodnog karaktera;
- d) podatke potrebne za izvještavanje o implementaciji Sendai okvira za smanjenje rizika od katastrofa;
- e) podatke o potrebama institucija, jedinica lokalne samouprave i stanovništva u slučaju nesreća i katastrofa;
- f) podatke o instruktorima obuke i njihovim specijalnostima i licencama, kao i međunarodnim standardima od značaja za zaštitu i spašavanje;
- g) podatke o kapacitetima za odgovor na nesreće i katastrofe (jedinice, ljudstvo, vozila, oprema, potražni psi i drugo) i informacije o planskim i strateškim dokumentima na svim nivoima organizovanosti sistema zaštite i spašavanja;
- h) druge evidencije za koje se postigne saglasnost i utvrdi da su potrebne.

Član 5.

(Način razmjene i dostavljanja podataka)

- (1) Evidencije iz člana 4. tač. a) i d) u elektronskom obliku razmjenjuju se dva puta godišnje – u drugoj sedmici februara i septembra.
- (2) Evidencije iz člana 4. tač. b), c), e), f), g) i h) razmjenjuju se u skladu s tokom projektne aktivnosti ili *ad hoc* po potrebi.

Član 6.

(Implementacija)

- (1) Predstavnici potpisnika Protokola po potrebi održavaju sastanke i usaglašavaju potrebna pitanja od značaja za razmjenu i dostavljanje podataka.
- (2) Poslove koordinacije i razmjene podataka, informacija i izvještaja o preduzetim mjerama zaštite i spašavanja vodi Ministarstvo sigurnosti Bosne i Hercegovine u skladu s članom 12. stav (1) Okvirnog zakona o zaštiti i spašavanju ljudi i materijalnih dobara od prirodnih ili drugih nesreća u Bosni i Hercegovini.

Član 7.

(Trajanje i stupanje na snagu Protokola)

- (1) Protokol se zaključuje na neodređeno vrijeme.
- (2) Protokol stupa na snagu danom potpisivanja svih potpisnika u istovjetnom tekstu.

Za Ministarstvo sigurnosti Bosne i Hercegovine

dr. Selmo Cikotić, ministar

Broj: 09-04-1-2202-1/100

Datum: 01-04-2021



Za Republičku upravu civilne zaštite Republike Srpske

v.d. Milan Novitović, ravnatelj

Broj: 25.02-20-815-9/21

Datum: 02.04.2021



Za Federalnu upravu civilne zaštite Federacije Bosne i Hercegovine

Enes Memić, P.O. Vlade Federacije BiH, šef Odsjeka

Broj:

Datum:

Enes Memić

Za Odjel za javnu sigurnost Brčko distrikta Bosne i Hercegovine

Bogdan Bratić, šef Odjela

Broj:

Datum:

Bogdan Bratić